

քանդրին. Ի թվականին Հայոց Մեծոց Ռէթին ապրիլ ամսոյ Թ.ին աւարտեցի Քրիստոսի շնորհօքն. Աստուած տա որ բարով վայելէ մահգասի... բազմեբամ ժամանակօք և ընդ երկայն աւուրս: [Սարմու. Ի Պետրիէ]:

1632.

Արդ եղեւ զբաւ սուրբ զանձարանիս՝ որ կոչի Աւետարան, յամի շրջագայութեան արամազեան տոհմի հայկական սեռի արեթական տուժարի ՌՉ թվականին, յունվար ամսոյ 22ին.. բայց գրեցաւ սա Ի մայրաքաղաքն Լով, ընդ հովանեաւ Ննջմոն Ս. Աստուածածնին, 'ի հայրապետութեան Տեառն Տէր Մովսէս երմանիկ քաջ բարունապետ Մովսէս կաթողիկոսին Ուրհայեցոյ (?), և Ի թագաւորութեան Լեհաց երկրին Գ Չիկմունդին, որ է ազգաւ Ընկուզ. ձեռամբ մեղաւոր և անարժան լովանուն Սիմոն երիցուիս, որ միայն անուամբս հմ կոչեցեալ, բայց գործովս հեռացեալ, Գծագրեցի զայս սուրբ տառս Ի խնդրոյ աստուածասէր և երկիւղած տիկնւոջն Բանի Նասդուխնային, որ է կենակից Աւետիքէնց Բան Միւքօին և դուստր Բան Պօհտանին Տօնավագենց. զի յոյժ փափագ և ջերմեանդ սրտիւ ետ զսա գրել, Ի հալալ ընչից իւրոց, և եդ յիշատակ անջինջ յաւիտենական իւր և իւրայնոցն՝ կենդանեացն և ննջեցեւրց և ամենայն արեան մերձաւորացն, Ի դուռն Հաճակատար մենաստանին, Ի քաղաքն Սէջով: Արդ ազայեմ զձեզ զամենեսեան, ով սուրբ Հայրք և եղբայրք, նազելի պաշտօնեայքք Քրիստոսի...

1632.

Գրեցաւ զիրս ձեռամբ Յովանէս վարդապետի Կ. Պոլսոյ եպիսկոպոսի, Ի յիւով քաղաքի. Թվ. ՌՉՍ. Թուականին հայկազեան տուժարի: Այսմ ամի կրալ թագաւորն Չիկմունտ առ Աստուած փոխեցաւ. Աստուած լուսաւորէ հոգին, և ընդ առաջին սուրբ թագաւորացն դասեսցէ. Աշխարհամատրանին չորեքշաբթին էր վախճանն: [Աղօրագիրք]:

1632.

Եպիսկոպոսն Մեսրոպ վարդապետն Հայոց՝ Կաֆացի, Ի ՌէԱ. թվին եկեալ Կամէնիցս, ձեռնադրեաց զՄիքայէլ երէցն, Ի խնդրոյ յիշատակի Թորոս կրօնաւորի. և Ս. Լուսաւորչի խորանն հիմնարկեաց, և եդ բազում մասն Սրբոց Ի հիմն եկեղեցոյն, Ի փառս և Ի գովեստ սուրբ եկեղեցոյս. ամէն. և զՀիմնարկութեանս պակասն գրեաց. Ի թվականին Հայոց ՌէՉ, մայիս ամսոյ ԺԳ օրն Պէնտակոսդէի երկուշաբթի: Ես ամենամեղ անձն Թորոս եպիսկոպոս Կամենիցոյ, Ի խնդրոյ Եազուլոյցա ժողովրդոցն՝ գնացի Ի քաղաքն Եազուլոյցա, և եկեղեցոյ հիմնարկութիւն տրարի, յանուն Ս. Աստուածածնին, և եդի Ի հիմն. մասն Սրբոց, Ի փառս Աստուծոյ և Ի պատիւ...